

Novak Đoković i Simona Halep proglašeni za najbolje tenisere u 2018. godini

Novak Đoković i Simona Halep proglašeni su za najbolje tenisere u 2018. godini, objavila je Međunarodna teniska federacija (ITF).

Đokoviću je ovo bila šesta nagrada ITF-a, dok je Halep prvi put proglašena za najbolju teniserku svijeta.

– Veoma sam počašćen nagradom, posebno nakon svega kroz šta sam prošao ove godine. Uvijek sam vjerovao da se mogu vratiti na vrh. Sretan sam što sam se izjednačio sa Peteom Samprasom sa šest titula najboljeg tenisera – poručio je Đoković.

– Velika je čast dobiti ovu nagradu. Imala sam sjajnu godinu, osvojila sam svoj prvi gren slem i završila sam godinu na prvom mjestu WTA liste – rekla je Halep.

Za najbolje tenisere i teniserke u parovima izabrani su Majk Brajan (Mike Bryan) i Džek Sok (Jack Sock), odnosno Barbora Krejčikova i Katerina Sinijakova.

ITF, prilikom odabira najboljih na svijetu, u obzir uzima sve turnire u godini koje organiziraju ATP i WTA, te Dejvis kup i Fed kup. (N.N.)

Date: 13-12-2018